

*De Instrumenti usu in dimetiendâ distantia Montium
ab invicem, & item altitudine sin-
gulorum.*

MENSURVS in mōte duos alios Montes, quan-
ta scilicet & altitudo eorum sit & quantum à se sin-
guli distent, ita operare: Duas elige tibi stationes,
unde binos montes probè spectare possis: tunc imposito
Baculo Instrumento secundum planum, & volutâ Regula
ad alteram tuam stationem, cochleâ illud firmiter siste:
volve deinde Regulam F versus Montem c. & reperies in
semicirculo gradus 85. Præterea volve Regulam F. versus
Montem d. & reperies in semicirculo gradus 50.

Progredere tunc una cum Instrumento ad alteram sta-
tionem, & Regulam E dirige versus primam stationem:
hac firmata inter medium stationum spatium metire, &
reperies pedes 200. Volve super hunc numerum Dio-
ptram G. Regulam verò F super gradus 50. in semicirculo:
Volvens inde Dioptram H. versus Montem d. reperies pun-
cta vel pedes 925. Volve item Regulam F ad gradus 85. in
semicirculo: Dioptram verò H versus Montem c. reperies-
que puncta vel pedes 575.

Volens igitur utriusque Montis distantiam ab invicem
experiri, volve Regulam E. ad gradus 50. Dioptram verò G
ad puncta 925. eritque hæc distantia quæ sita à prima sta-
tione ad Montem d.

Volve deinde Regulam F ad 85. Dioptram verò H. ad
puncta 575. eritque hæc distantia à prima statione ad Mon-
tem c. Cape tunc Regulam foramineam & colloca illam in
Dioptra G. versusque Dioptram H. dirige: & reperies pun-
cta 445. Tot igitur pedes Mons vnus distat ab alio.

Cupiens porrò & altitudinem Montis d. cognoscere, sic
operare: Ablato Instrumento à Baculo, illud ad latus Baculi
applica,